

Här Claude WISELER  
Chamberspresident  
LËTZEBUERG

Lëtzebuerg, den 13. Oktober 2025

Här President,

Esou ewéi den Artikel 80 vum Chambersreglement et virgesäit, biede mir lech, dës parlamentaresch Fro un Här Minister fir d'Education, Kanner a Jugend weiderzeleeden:

*„De Sproochenunterricht ass e wichtege Pilier vun eisem Schoulsystem. Well eis Bevëlkerung an de leschte Jore staark geklommen ass a gläichzäiteg eis Schoullandschaft sech verännert, changéiert och d'Unzuel u Schoulstonnen an deene respektive Sproochen.*

*An deem Kader wollte mir dem Här Minister fir d'Education, Kanner a Jugend folgend Froe stellen:*

- 1. Wéi vill Schoulstonne goufen an all eise Lycéeën (ES, ESG, Enseignement européen, etc.) an deenen dräi Sproochen Däitsch, Englesch a Franséisch zanter dem Schouljoer 2020/2021 prestéiert?*
- 2. Wat fir eng vun deenen dräi Sprooche gëtt am ieweschten Zyklus éischter fale gelooss, wann d'Schüler de Choix hunn?*
- 3. Wéi gesäit d'Situatioun an den nächste 5 Joer aus? Mat wéi ville Schoulstonnen ass an noer Zukunft an dësen dräi Sproochen ze rechnen?*
- 4. Wéi gesinn d'Sproochekombinatiounen an den internationale Schoulen aus? Wat fir eng Kombinatiounen sinn déi heefegst?“*

Mat déiwem Respekt,



André BAULER  
Deputéierten



Barbara AGOSTINO  
Deputéiert



Äntwert vum Minister fir Educatioun, Kanner a Jugend, Claude Meisch, op d'parlamentaresch Fro  
Nr. 3024 vun den honorabelen Deputéierten André Bauler a Barbara Agostino

1. Wéi vill Schoulstonne goufen an all eise Lycéeën (ES, ESG, Enseignement européen, etc.) an deenen  
dräi Sproochen Däitsch, Englesch a Franséisch zanter dem Schouljoer 2020/2021 prestéiert?

Den Tableau hei drënner weist d'Zuel vun de wéchentleche Schoulstonnen an deenen dräi Sproochen  
am Enseignement secondaire classique (ESC), am Enseignement secondaire général (ESG), an der  
Formation professionnelle (FP) an am Enseignement secondaire international (ESI). D'Classes d'accueil  
an d'Klasse vum Brevet de technicien supérieur (BTS) goufen net berücksichtegt.

| <i>ESC</i>   | <i>Däitsch</i>  | <i>Englesch</i> | <i>Franséisch</i> |
|--------------|-----------------|-----------------|-------------------|
| 2021/2022    | 2.276,2         | 2.262,6         | 2.851,8           |
| 2022/2023    | 2.175,5         | 2.251,1         | 2.733,8           |
| 2023/2024    | 2.180,6         | 2.215,9         | 2.757,6           |
| 2024/2025    | 2.168,6         | 2.194,3         | 2.664,9           |
| <i>ESG</i>   |                 |                 |                   |
| 2021/2022    | 2.978,1         | 2.268,0         | 3.703,9           |
| 2022/2023    | 3.170,5         | 2.593,6         | 4.142,6           |
| 2023/2024    | 3.116,9         | 2.305,9         | 3.999,4           |
| 2024/2025    | 3.177,8         | 2.344,2         | 4.106,2           |
| <i>FP</i>    |                 |                 |                   |
| 2021/2022    | 634,2           | 596,5           | 757,2             |
| 2022/2023    | 633,6           | 594,2           | 818,4             |
| 2023/2024    | 669,3           | 556,6           | 769,1             |
| 2024/2025    | 665,6           | 588,8           | 901,6             |
| <i>ESI</i>   |                 |                 |                   |
| 2021/2022    | 493,9           | 652,1           | 656,4             |
| 2022/2023    | 608,7           | 803,9           | 822,5             |
| 2023/2024    | 756,9           | 1.058,6         | 985,9             |
| 2024/2025    | 823,3           | 1.223,8         | 1.113,3           |
| <b>Total</b> | <b>26.529,8</b> | <b>24.510,1</b> | <b>33.784,3</b>   |

## 2. Wat fir eng vun deenen dräi Sproochen gëtt am ieweschten Zyklus éischter fale gelooss, wann d'Schüler de Choix hunn?

Op den Ofschlossklasse kënnen zwou verschidde Situatiounen sech presentéieren:

- Et stinn dräi Sproochen zur Auswiel, vun deenen d'Schüler der zwou kënne wielen an eng faleloossen. Dëst ass de Fall op follgende Klassen: 1CB, 1CC, 1CE, 1CF, 1CR, 1GED, 1GT2S. Den Tableau hei drënner weist, fir en Total vun 899 Schüler, wéi eng Sprooch falegelooss goufen.

| <i><b>Sprooch</b></i> | <i><b>Schülerzuel</b></i> |
|-----------------------|---------------------------|
| Däitsch               | 312                       |
| Englesch              | 124                       |
| Franséisch            | 463                       |
| <b>Total</b>          | <b>899</b>                |

- Eng Sprooch ass obligatoresch (et handelt sech dobäi entweder ëm Franséisch oder Englesch) an d'Schüler wielen eng vun deenen zwou anere Sproochen. Dëst ass de Fall op follgende Klassen: 1GSI, 1GSH, 1GSO, 1GA3D, 1GIG, 1GIN, 1GSE, 1G3S, 1GSN, 1GACV, 1CI, 1CP, 1GIGA, 1GIGF, 1GSNA, 1GSNF, 1GSOA, 1GSOF.

Wann d'Franséisch obligatoresch ass, gi follgend Sproochen falegelooss:

| <i><b>Sprooch</b></i> | <i><b>Schülerzuel</b></i> |
|-----------------------|---------------------------|
| Däitsch               | 108                       |
| Englesch              | 39                        |
| <b>Total</b>          | <b>147</b>                |

Wann d'Englesch obligatoresch ass, gi follgend Sproochen falegelooss:

| <i><b>Sprooch</b></i> | <i><b>Schülerzuel</b></i> |
|-----------------------|---------------------------|
| Däitsch               | 617                       |
| Franséisch            | 632                       |
| <b>Total</b>          | <b>1.249</b>              |

## 3. Wéi gesäit d'Situatioun an den nächste 5 Joer aus? Mat wéi ville Schoulstonnen ass an noer Zukunft an dësen dräi Sproochen ze rechnen?

Den Tableau hei drënner weist d'Entwécklung vun der Zuel u wéchentleche Schoulstonnen an deenen dräi Sproochen. Wat de Berechnungsmodus betrëfft, verweisen ech op meng Erklärungen zu der parlamentarescher Fro Nr. 2915.

| <i><b>Joer</b></i> | <i><b>Däitsch</b></i> | <i><b>Englesch</b></i> | <i><b>Franséisch</b></i> | <i><b>Total</b></i> |
|--------------------|-----------------------|------------------------|--------------------------|---------------------|
| 2024/2025          | 6.835,3               | 6.351,1                | 8.785,9                  | 21.972,3            |
| 2025/2026          | 6.954,4               | 6.461,7                | 8.939,0                  | 22.355,1            |
| 2026/2027          | 6.957,7               | 6.464,8                | 8.943,2                  | 22.365,7            |
| 2027/2028          | 6.963,5               | 6.470,3                | 8.950,8                  | 22.384,6            |
| 2028/2029          | 6.935,9               | 6.444,6                | 8.915,2                  | 22.295,7            |
| 2029/2030          | 6.928,0               | 6.437,2                | 8.905,1                  | 22.270,3            |

**4. Wéi gesinn d'Sproochekombinatiounen an den internationale Schoulen aus? Wat fir eng Kombinatiounen sinn déi heefegst?**

Déi honorabel Deputéierte froen et no de Sproochekombinatiounen an den internationale Schoulen. Dës ginn aus dem folgendem Tableau ervir. Dozou sinn e puer Erklärungen néideg. Als L1 (Langue 1), L2 (Langue 2) an L3 (Langue 3) ginn déi dräi Haaptsproochen bezeechent, tëscht deenen d'Schüler kënne wien.

Am europäesche System ass d'L1 d'Sprooch vun der Sektoun an d'L2 ass d'Sprooch, déi een ab dem éischte Joer vun der Primärschoul léiert; ab dem éischte Joer vum Secondaire kënnt d'L3 dobäi.

An eisen agreéierten Europaschoule bidde mir dräi Sproochesektiounen un: déi franséischsproocheg, déi däitschsproocheg an déi engleschsproocheg.

Schüler, déi als L1 Portugisesch, Spuenesch oder Italieneesch hunn, sinn op der Sproochesektioun vun hirer L2 ageschriwwen.

| <b>L1</b> | <b>L2</b> | <b>L3</b> | <b>Schüler</b> |
|-----------|-----------|-----------|----------------|
| FR        | ANG       | keng L3*  | <b>40</b>      |
|           |           | ALL       | <b>933</b>     |
|           |           | ESP       | <b>88</b>      |
|           |           | IT        | <b>1</b>       |
|           |           | PT        | <b>47</b>      |
|           | ALL       | keng L3   | <b>17</b>      |
|           |           | ANG       | <b>741</b>     |
|           |           | ESP       | <b>1</b>       |
|           |           | IT        | <b>0</b>       |
|           |           | PT        | <b>4</b>       |
| ALL       | ANG       | keng L3   | <b>5</b>       |
|           |           | ESP       | <b>14</b>      |
|           |           | FR        | <b>417</b>     |
|           |           | IT        | <b>0</b>       |
|           |           | PT        | <b>1</b>       |
|           | FR        | keng L3   | <b>13</b>      |
|           |           | ANG       | <b>431</b>     |
|           |           | ESP       | <b>5</b>       |
|           |           | IT        | <b>0</b>       |
|           |           | PT        | <b>1</b>       |
| ANG       | ALL       | keng L3   | <b>12</b>      |
|           |           | ESP       | <b>15</b>      |
|           |           | FR        | <b>290</b>     |
|           |           | IT        | <b>1</b>       |
|           |           | PT        | <b>1</b>       |
|           | FR        | keng L3   | <b>35</b>      |
|           |           | ALL       | <b>770</b>     |
|           |           | ESP       | <b>114</b>     |
|           |           | IT        | <b>0</b>       |

|               |     |         |       |
|---------------|-----|---------|-------|
|               |     | PT      | 15    |
| PT            | ALL | ANG     | 2     |
|               |     | FR      | 6     |
|               | ANG | keng L3 | 1     |
|               |     | ALL     | 7     |
|               |     | FR      | 95    |
|               | FR  | keng L3 | 1     |
|               |     | ALL     | 42    |
|               |     | ANG     | 228   |
| IT            | ANG | FR      | 6     |
|               | FR  | ALL     | 1     |
|               |     | ANG     | 19    |
| ESP           | ALL | FR      | 1     |
|               | ANG | ALL     | 1     |
|               |     | FR      | 10    |
|               | FR  | ALL     | 1     |
|               |     | ANG     | 10    |
|               |     | PT      | 1     |
| Total Schüler |     |         | 4.444 |

*\* Dëst ass de Fall an de Klassen S6 an S7, op deenen d'Schüler, gradewéi op verschiddene Klassen am nationale System, eng Sprooch kënnen ewechloossen.*

Lëtzebuerg, den 1. Dezember 2025

De Minister fir Educatioun,  
Kanner a Jugend

(s.) Claude MEISCH